



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e-mail: info@voda.ba

Broj: **UP-1/21-2-40-191-2/24**
Datum: **13.05.2024. godine**

«Agencija za vodno područje rijeke Save» Sarajevo rješavajući po zahtjevu poslovnog subjekta-fizičkog lica «VOČAR HAJLOVAC» vl. Hajlovac Muhamed iz Kaknja za donošenje Rješenja o vodnoj saglasnosti za ispuštanje tehnoloških otpadnih voda u prirodni recipijent sa lokacije poslovno-proizvodnog objekta za preradu voća i povrća u naselju Bištrani, općina Kakanj, na osnovu člana 109. stav (1) tačka 3. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj saglasnosti**

1. Poslovnim subjektu – fizičko lice «VOČAR HAJLOVAC» vl. Hajlovac Muhamed iz Kaknja daje se saglasnost za ispuštanje tehnoloških otpadnih voda u prirodni recipijent sa lokaliteta poslovno-proizvodnog objekta za preradu voća i povrća u naselju Bištrani, na zemljištu označenom kao k.č. broj: 574 i 1171/2 K.O. Bištrani, općina Kakanj, a na osnovu projektne dokumentacije:
 - Glavni projekat vanjskih hidroinstalacija, snabdijevanja vodom, prikupljanje i tretman tehnoloških otpadnih voda, oborinskih i drugih voda sa platoa, krova objekta i fekalnih voda za poslovno-proizvodni objekat, urađen od «EDI-ING» d.o.o. Donji Vakuf, broj: 24/03-KK/1, mart 2024. god (revidovan od «SARAJ INŽENJERING» d.o.o. Sarajevo, broj: 040-24, mart 2024.).Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Radove na objektima i sistemu za prikupljanje, prečišćavanje i ispuštanje tehnoloških otpadnih voda izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Na odvodnom cjevovodu tehnoloških otpadnih voda, izvesti posebno reviziono okno koje će služiti kao okno za uzimanje uzoraka (monitoring okno).
 - 3.3. U toku radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.4. Sve kolizije sa postojećim infrastrukturnim objektima (vodovod, elektroinstalacijama, telefon i sl.), na lokalitetu na kojem će se vršiti predmetni radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
 - 3.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
 - 3.6. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 04/1-19-2395/23 od 01.04.2024. godine izdatog od Službe za privredu, urbanizam i zaštitu okoline Općine Kakanj.
4. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.

6. Po završetku izgradnje predmetnog objekta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine FBiH» broj 31/15, 55/19, 41/20 i 63/22).
7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeta izgradnja.
9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Poslovni subjekat – fizičko lice «VOČAR HAJLOVAC» vl. Hajlovac Muhamed iz Kaknja, obratio se ovoj Agenciji sa zahtjevom, zaprimljenim 15.04.2024., za izdavanje vodne saglasnosti za ispuštanje tehnoloških otpadnih voda u prirodni recipijent sa lokacije poslovno-proizvodnog objekta za preradu voća i povrća u naselju Bištrani, na zemljištu označenom kao k.č. broj: 574 i 1171/2 K.O. Bištrani, općina Kakanj, a u postupku pribavljanja odobrenja za građenje.

U provedenom postupku dostavljena je i pregledana sljedeća dokumentacija:

- Ovjerena kopija lične karte,
- Ovjerena kopija Rješenja o odobrenju za obavljanje srodne djelatnosti broj: 04/1-17-1810/21 od 19.05.2021. izdatog od Službe za privredu, urbanizam i zaštitu okoline Općine Kakanj,
- Ovjerena kopija Uvjerjenja o registraciji poreznog obveznika od 03.06.2021. izdatog od Porezne uprave FBiH-Kantonalni porezni ured Zenica,
- Ovjerena kopija Obavještenja o razvrstavanju poslovnog subjekta – fizičkog lica prema klasifikaciji djelatnosti broj: 07-32.5-8201/21 od 07.06.2021. izdatog od Službe za statistiku za područje Zeničko-dobojskog kantona,
- Dokaz o uplaćenju upravnoj taksi,
- Ovjerena kopija Rješenja o urbanističkoj saglasnosti broj: 04/1-19-2395/23 od 01.04.2024. izdatog od Službe za privredu, urbanizam i zaštitu okoline Općine Kakanj,
- Kopija Rješenja o o prethodnoj vodnoj saglasnosti broj: UP-1/21-1-40-327-4/23 izdatog dana 22.08.2023. godine od strane «Agencija za vodno područje rijeke Save» Sarajevo,
- Glavni projekat vanjskih hidroinstalacija, snabdijevanja vodom, prikupljanje i tretman tehnoloških otpadnih voda, oborinskih i drugih voda sa platoa, krova objekta i fekalnih voda za poslovno-proizvodni objekat, urađen od «EDI-ING» d.o.o. Donji Vakuf, broj: 24/03-KK/1, mart 2024. god (na uvid i ovjeru).

Nakon uvida u dostavljenu dokumentaciju konstatovano je sljedeće:

- Poslovno-proizvodni objekat za preradu voća i povrća se planira graditi u naselju Bištrani, općina Kakanj. Parcela na kojoj se planira graditi predmetni objekat se ne nalazi u vodnom dobru, poplavnom području vodotoka I kategorije, niti u području zaštitnih zona površinskih i podzemnih voda.
- U objektu će se vršiti proizvodnja cijedenih sokova.
- Tehnološke otpadne vode koje nastaju u postupku prerade voća i povrća će se prikupljati sistemom slivnika i kanalizacione mreže i ispuštati, preko revizionog okna sa taložnikom, u vodonepropusni spremnik za vodu. U spremnik će se prikupljati i oborinska kanalizacija. Voda iz spremnika će se koristiti za zalijevanje poljoprivrednih površina.
- Sanitarno-fekalne otpadne vode će se prikupljati zasebnim sistemom kanalizacije i odvoditi u septičku jamu.
- Predviđeno je da se snabdijevanje vodom obezbijedi putem priključka na lokalni vodovod.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti propisala Služba za privredu, urbanizam i zaštitu okoline Općine Kakanj.

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-1/21-1-40-327-4/23 od 22.08.2023. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat vanjskih hidroinstalacija, snabdijevanja vodom, prikupljanje i tretman tehnoloških otpadnih voda, oborinskih i drugih voda sa platoa, krova objekta i fekalnih voda za poslovno-proizvodni objekat, urađen od «EDI-ING» d.o.o. Donji Vakuf, broj: 24/03-KK/1, mart 2024. god., data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uvjetima, i načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Prilog:

- Ovjeren Glavni projekat vanjskih hidroinstalacija, snabdijevanja vodom, prikupljanje i tretman tehnoloških otpadnih voda, oborinskih i drugih voda sa platoa, krova objekta i fekalnih voda za poslovno-proizvodni objekat, urađen od «EDI-ING» d.o.o. Donji Vakuf, broj: 24/03-KK/1, mart 2024. god.

Po ovlaštenju
Rukovodilac sektora za izdavanje vodnih akata



Haris Alisehović, dipl.ing.građ.

Dostaviti:

- «VOČAR HAJLOVAC» vl. Hajlovac Muhamed
Bištrani 99, 72240 Kakanj (prilog)
- AVP Sava, ISV – Vodna knjiga
- Sektor 40 – arhiva
- Oglasna ploča - AVP Sava